

लईका मन बर बाईबिल
प्रस्तुत करत हवे।

भगवान द्वारा
इबराहीम कर
परेम के
परीछन



लिखे गए हवे। : Edward Hughes

उत्साह बढ़ाए गए हवे। : Byron Unger; Lazarus

चयन करे गए हवे। : M. Maillot; Tammy S.

अनुवाद करे गए हवे। : मधुलिका महतो

बनाए गए हवे। : Bible for Children
www.M1914.org

©2015 Bible for Children, Inc.

लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



एक ठी राथिया भगवान हा
अबराहम ला एक ठीन अजीब
आदेस दिस। ई देखे बर कि
इबराहीम अपन बेटा ईसहाक
ला भगवान ले अबड़ परेम करत
हवय या अपन हा भगवान ले।



भगवान हर आग्या दीस, "अपन बेटा
इसहाक ला एक ठीन होमबलि के रूप
म चघावा।" इसहाक ला
अरपन कर ? अपन बेटा
ला बलिदान चघावा ? ई हर
इबराहीम बर अबड़ मुसकिल
रहिस। ऊ हर अपन बेटा ले
अबड़ मया करत
रहीस।




ईहाँ तक कि इबराहीम हर नई बुझे
तहु ले भगवान ऊपर भरोसा करेला
सीखे रहिस। बीहान कर भोर मा
इसहाक अऊ दु ठीन कमिहा के संग मा

बलि देहे ला पहार

उपर ओहर

चल दीस।



जाय ले आघु, इबराहीम होमबलि
के आगि ला बारे बर लकरी के
कुटी ला बाँटिस। इबराहीम
हा भगवान के आग्या माने
बर योजना बनाईस।



तीन दिन के पाछु ऊ मन पहार
कर लकठा म पहुँचीन। 'ई करा रूका'
इबराहीम हर अपन दास मन ल कहीस
“हमन जाके उपासना करबो अऊ फेर
आपिस तुंहर ठी आ जाहिं”

इसहाक हर
लकरी लिस : अबराहम
आगि अऊ एक ठी
छुरी लिस।



इसहाक पुछिस, "होमबलि बर
छेरी कहाँ हे ? भगवान हर
अपनेच छेरी देही," इबराहीम
हर जुआब दीस ।




दुनु झन भगवान के चुने गय सही
जघा म आ पहुँचीन। ऊँहा, इबराहीम,
भगवान कर आघु म बलिदान कर
एक ठा बेदी बनाईस अऊ जराय के
लकरी ला सजाईस।




इबराहीम कतका बेदी कर
निरमान करे रहीस। निश्चित
रूप म इ एक ठी बेदी कर
निरमान करय ला ओखर बर
सबले कठिन रहिस।



इबराहीम अपन पियारा बेटा इसहाक ला
बांध के बेदी म सुता दिस। का इबराहीम
हर सित्तो म भगवान कर आग्या ला पालन
करे बर अपन पियारा बेटा इकलउता बेटा
इसहाक, ला बलिदान करे जात रहिस ?





हाहो ।
इबराहीम हर
जइसन छुरी ला
उपर उठाइस ऊ छुरी
के धार हर चमकीस ।
इबराहीम के करेजा हर
टुटत रहीस होही । लेकिन
ओला इ मालुम रहिस कि
भगवान कर आग्या ला
पालन करेच बर हे ।





“रुकौ” यहोवा
कर दूत हर
चिल्लाईस’ “अब मे
जानत हों, तेहर भगवान
के भय मानथस।
तेहर मोर बर, अपन
बेटा ला घलो
नी छोड़े, अपन
इकलउता बेटा
ला घलो।”



झारी म छेरी ल देखके, इसहाक के बंधन ला खोल दिस अऊ ओखर जघा म छेरी ल बलिदान करिस। साइद इसहाक हर सोचिस "जइसन मोर ददा हा कहे रहिस उसनेच भगवान हा दीस।"



ददा अऊ बेटा हा उपासना करिन, ओही बेरा म यहोवा के दूत
हर इबराहीम ला गोठियाइस। काबर कि तेहर आग्या माने ऐखर बर
“तुहर लईका मन के दवारा सबो देस हा
आसीसीत होही।” कोन्हों दिन, इबराहीम कर
बंस के माध्यम ले ईशु कर जनम होही।



इबराहीम अऊ इसहाक घर लऊट गिन। कुछु बेरा के पाछु म,
उदासी छा गिस। सारा मर गिस। इबराहीम हर अपन गोसयाइन
ल अऊ इसहाक हर अपन महतारी ल गवाँ दारिस।



अंतिम संस्कार के पाछु
म, इबराहीम इसहाक बर
एकठी घरवाली होही खोजे
बर अपन परमुख दास ल भेजिस।



कमिहा इबराहीम कर
सगा-संबंधी मन के बीच म
एकठीन घरवाली ल खोजे बर
ओखर पुराना मातृभूमि म चले गिस।



कमिहा हा भगवान ले एकठीन चिन्हानी ला माँगीस। “मोर ऊँटवा मन बर जोन पानी जुगाड़ करे होही ओही नोनी इसहाक बर बने होही।” फटले रिबका ओमन ला पानी देहे के गोहार करिस।



ओहर इबराहीम के सगे संबंधी में ले एक इन रहिस। कमिहा हर जानत रहिस कि भगवान हर ओखर बिनती के जुआब दे दिस हावय।



रिबका इसहाक करा बिहाव करे बर अपन परवार ल छोड़ दिस।
ओखर महतारी के मरे के पाछु ओहर ओला धीरज दीस। इसहाक
ओला अड़बड़ परेम करत रहिस।



भगवान द्वारा इबराहीम को परम के परीक्षण

इ कथा हर भगवान के बचन के द्वारा एक ठी बाईबिल

पाए जाथे ।

उत्पत्ति 22-24

"आप मन कर बानी हर एला अंजोर देथे ।"

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

